

FasnachtArt



Jury – Bericht
2021

2021 FASNACHTART

Äxtrablatt

Auf Initiative der Gässlichlyffer hin erschien am 5. Februar ein Äxtrablatt als Beilage des AWB. En aigeschtändigi ART-Fasnacht, die

Allschwiler Revue Total

*Die Zytig dörfe mir im Wucheblettli erschyyne loh
Denn s'AWB duet au drhinter stoh
D'Gässlichlyffer hänn die Revue Totale iniziert
Die schpitzi Fäderen aber hett d'Frau Fasnacht gfiert
Es isch e fasnächtli Satire mit ländlichem Biss
S'druggt uff e Närv vo der Zyt, s'isch kei Veriss...*

Die Allschwiler Revue Total ist auf der Website der Allschwiler Fasnacht in elektronischer Form jederzeit lesbar.



2021 FASNACHTART

Folgende Gruppierungen haben sich aktiv an der FasnachtART beteiligt:

- POMPIER WAGGIS Fasnachtsfigurä Rund ume Dorfplatz
01 GÄSSLISCHLYFFER «Abgriiglet Uffgriiglet» Schlüsselgässli 6
02 RUE DU BOEUF RUECHE «Lachä isch gsund» Obere Kirchgasse und
Restaurant Jägerstube
03 SCHÄRBE CLIQUE «Als Wär Fasnacht» Oberi Kirchgass
04 LAOLA RUECHE «WC-PapierVorplatz Dorfkirche
05 DIE PRIVILEGIERTE SCHWELLEMER «e Bligg zrug» Stäge zur
Dorfkirche
06 HERREGÄSSLER «Mir balkoniere!» Schönebuechstrooss 6
07 WVC-SCHPIIL «...fertig lustig...» Alti Dorfschmitti
08 SPRYSSE BANK «e Schnitzelbangg» Restaurant Rössli
09 DIE NAMÄLOSÄ «20 Joor «die Namälosä»» Parkplatz Bürgergemeini
10 68er CHEPF «Automat de le Carnaval!» Vorplatz Metzgerei Birbaum
11 SPAARHÄFELI "abgesagt" Oberwilerstrooss 1
12 QUELLEMER «s'Storchenäscht isch nümme do, dr Plumpiturm
brenntliechterloh!» Parkplatz Restaurant Mühli
13 DORFRUNZLÄ «s isch kompliziert» Restaurant Jägerstube Dorfplatz 10
14 DORFPLATZFÄGER «2020, gsi ischs numme Drägg, drum wüschts dr
Dorfplatzfäger jetzt ewägg» Baslerstrooss 29
15 CHRUUTAGGER-CLIQUE «Allschwiler«ART»Fasnacht 2021»
Baslerstrooss 31&33
16 SUURCHRUTSTAMPFER «Lieber ai mool ooni, derfür näggscht Joor mit
em Omi» Gmeinipark Wägmattä
17 FUNKESCHLIFER «Dr Ufstand vom Häuptling Moorat!» Gmeinipark
Wägmattä
18 NIMMERSATTE «Mir löön uns nid hängge» Gmeinipark Wägmattä
19 COSANOSTRA-RUGGER "Gmeinsam einsam oder Fasnacht vo dehei
aber nit elei" Gmeinipark Wägmattä
20 LINDENBAUM PIRATE ""Adieu Plumpi Turm" Gmeinipark Wägmattä
21 (BASLER) GWÄGGIBINGGIS «#AltiTante#Waagis#mitenandgo
#zämestoo#FasnachtsArt #Errinnerigsfoti» Gmeinipark Wägmattä
22 SCHWELLEMER PÖNGGIS «Adiöö Paradiis, Bachgrabe «rescht in piis»»
KircheSt.Peter und Paul
23 PINOT-TROIS «Uns blibt jo no dr Wyy, chumm schängg yy» Kirche St.
Peter und Paul
24 CENTRAL CLIQUE ALLSCHWIL "50 Joor Volldampf " Kirche St. Peter und
Paul
25 DÜPFLISCHYSSE-CLIQUE "Allschwil brennt "Christuskirche
26 MÜHLIBACH STENZER «Mir dreie am Rad» Kirche St.Theresia
27 LINDEPLATZ WAGGIS «Kei neue Lindeplatz!» Lindeplatz
28 WVC «Mir warte uf d'Rägeboge Schlussabrächnig» Lindeplatz
29 SCHWELLÄ HÜPFER Schnitzelbangg" Gondle bim Restaurant Jägerstübli

2021 FASNACHTART

E Prysä Fasnachts-Luft

Au bi mir als Schrybär vo däm Bricht
fällt diä Pandämie ins Gwicht!

S'letscht Joor han ich s'erscht Mol dörfä diä Prisä Fasnachts-Luft verspreuä
und das Joor gang ich scho uf e anderä Wäg, e ganz e Neuä!

Dr Termindrugg vo dr FasnachtArt isch sehr sträng
und d'Zyt für mini Bsiäch ganz äng!

Trotzdäm isch mir ei Bsuäch glungä
und das bi dr Lisa, ganz ungezwungä!

Si ladät mi in ihr Ladärnä-Atelier y
und ich bi by dr Entstehig grad drby!

Ihri erschti Ladärnä in voller Pracht
het d'Lisa als Matur-Arbet gmacht!

Die dritti Ladärnä für d'FasnachtArt
macht si für d'Schwellemer Pönggis parat!

S'Sujet het si mir nid verrote!
Aber d'Ladärnä isch do e glaine Vorbote!

Danggä Lisa für dä schöni Empfang
Ich hoff, bis mer is an dr Fasnacht gsehn, goht's nümme lang!



2021 FASNACHTART

**E Prysä Fasnachts-Luft Teil Zwei
startet bi dr Susan C. Vogt Dähei!**

**Si duät sich uf Facebook für dr Ufruäf engagierä,
dass au diä Privatä ihri Fänschter dekorierä!**

**D'Susan wohnt zwar an dr Neuwylärstroos,
aber muäsch nid meinä, dört sig nüt los!**

**Vyl Spaziärgänger flaniere an ihrem Fäschter verby
und luägä denn plötzlich glücklicher dri!**

**Härzlichä Dangg lääbi Susan C. Vogt!
Du hesch Di Fänschter richtig g'rockt!**



2021 FASNACHTART

**Au d'Cosanostra Rugger han ich dörfä bsuechä
aber vorhär e offiziellä Termin miessä buächä!**

**Lieber wär ich bi ihnä in ä Prob go loosä
aber ebbe, Corona het jo d'Fasnacht abbloosä!**

**Trotzdäm hän d'Cosanostra Rugger gseit
Mir sin für d'FasnachtArt bereit!**

**Statt s'Instrumänt in dr Hand und ynä bloosä
ab in d'Tiefgarage und in d'Arbetshosä!**

**Corona-Konform in chleiner Gruppä wird bauä
Palettä zämme gschrubt, gspreyt und umeghauä!**

**Trotz abgseitä Probä hän si aber au musiziert
brav Jedä Deheimä Ufnahme produziärt
S'Kunsthwärgg mit dr Musiig wird dennä
an dr FasnachtArt presentiärt!**



2021 FASNACHTART

**Au d'Dorfmetzgerei Birbaum het ä johrelangi Tradition!
Nid nur im Ladä – nai au obä uf em Balkon!**

**Anstatt diä altä Schissdrägg-Zügli-Goschdüm und Larvā z'Entsorgä,
het d'Sylvia vor 23 Jahr entschlossä, si sollä für Dekoration sorgä!**

**Diä gstopfdä Fasnachts-Puppä uf em Eschtrich obä
wärdä jetzt mit Hilf vo dr Yvonne uf e Balkon verschobä!**

**Ich bi drby, e ganzi Schtund
nur vom zueluegä scho uf em Hund!**

**Das Jahr diän si d'Dekoration e bitzeli dezänt haltä!
Diä grossi Kunscht-Bühni sollä diä Aggtivä bhaltä!**

**Ich bedangg mi bi dr Sylvia und dr Yvonne für diä schöni Schtund!
Und freu mi, was nägscht Jahr uf e Balkon chunnt!**



2021 FASNACHTART

**D'Laola-Rueche han ich au entdeggt!
Diä hän sich bi dr Dorfkirchä hinter ä Blachä versteggt!**

**S'isch für si schwer das Johr z'jubiliärä!
D'Laola-Rueche diän scho 20 Johr brilliärä!**

**Trotzdäm hän si sich Gedanggä gmacht!
Und e Kunschtwärgg an dr Kirchemuurä vollbrocht!**

**Ob Sprayer, Mohler oder Schruber!
Nach jedem Arbetsdag isch alles wyder suuber!**

**Au si hän Corona im Aug bhaltä
und sich vorbildlich an d'Reglä ghaltä!**

**Danggä Laola-Rueche,
dass ich euch ha dörfä bsuechä!**



2021 FASNACHTART

**Au d'Gmeini macht öbbis parat
für unseri FasnachtArt!**

**Ich duä däm Mitarbeiter im gheimä Froogä stellä
vyl het är mir aber nid wirklich wellä verzellä!**

**Är weiss aber au nid,
dass das e chleins Brichtli git!**

**Ihn han ich sogar mehr Mol bsuächt
will ich ha dört e Bänggli buächt!**

**So han ich diä gewaltigi Entstehig vo däm Kunschtwärgg dörfä erläbä
D'Symbiosä vo dr Landart und dr FasnachtArt isch gar nid drnäbä!**

**E grosses Danggschön an d'Gmeindsverwaltig
für diä immer schöni Rabattä-Gstaltig!**



(Uschi Bächtold, Jury-Mitglied)

2021 FASNACHTART

FASNACHTART vom 11.2. bis 17.2.

Pompier Waggis

Fasnachtsfiguren rund um den Dorfplatz

Trotz Corona schmückten die Pompier Waggis unser Dorf mit den wunderschönen Fasnachtsfiguren. Diese Figuren sind bereits ein grosser Bestandteil jeder Fasnacht und durften natürlich auch an der diesjährigen Fasnacht-Art nicht fehlen. Ein grosses Dankeschön.



Gässlichlyffer

Abgriiglet Uffgriiglet

Ihr Kunstwerk - eine Baustelle für ein elsässer Riigelhuus. Der Waggis auf dem Dach freute sich über jeden Besucher. Schön kühl im Schnee, passend, das Bier zum Mitnehmen. Via QR-Code konnten die Zuschauer einen Einblick in die Häim Fasnacht gewinnen

2021 FASNACHTART



2021 FASNACHTART

Rue du Boeuf Rueche

Lachä isch gsund

Mit dem Matterhorn an der Oberen Kirchgasse und ihrer Laterne vor dem Jägerstübli vereinten die Rue du Boeuf Rueche den Lachgas-Skandal in Visp mit dorfeigenen Sujets! Aufmerksamkeit erreichte ein spezieller Kehr-Vers auf ihrem Zeedel:

(zum mitsingä! Melodie: 10 kleine Jägermeister!)

*Fünf glaini Gmeindröt diä strittä sich wiä blöd
In Schönebuäch isch dr Deufel los bald gön si dört uf
d'Stroos!*

*Zwei Gleini Gmeindröt stöhn jetzt do so blöd
Drei hän dr Bättel anegschmissä s'Regierä isch jetzt
versch...ä*

*Ei glaine Gmeindspräsident dä het viel Glügg am Änd
Fünf Fraue diän sich engagierä und für dr Gmeindroot
kandidierä!*

*Isch dä Gmeindspräsident ächt e Super-Talänt?
oder isch dä André Knubel e vom Glügg verfolgtä Dubel?*



2021 FASNACHTART

Schärbe Clique

Als wär Fasnacht

Mit diesem Titel stellte die Schärbe Clique an der Mauer in der Oberen Kirchgasse verschiedene Ausschnitte der Fasnacht nach. Man konnte das Fasnachtsfeuer sehen, etwas Umzugs-Luft schnuppern, Schnitzelbänke (nicht) hören und die Fasnachtsbeerdigung sehen.

Settsch dä Virus vrtriibe

und sälber suuber bliibe

als Fasnächtler bini immun zum Trotz

Well i vor Freud druff nur so strotz

Jetzt isch Fasnacht, mir häns möglich gmacht



2021 FASNACHTART

Laola Rueche

WC Papier

Sie stellten ihr Kunstwerk entlang der Kirchenmauer auf. Wunderschön gemalte Helgen. Via QR-Code konnten Interessierte ä Dail oder s ganze kaufen. Wir gratulieren den Laola Rueche zu ihrem 20. Jubiläumsjahr. Diese Kunstwerke wären sicher verkauft worden.



2021 FASNACHTART

Die Privilegierte Schwellemer *E Bligg zrugg*

Die Privilegierte Schwellemer schrieben in ihrem überdimensionierten Lesebuch ihre 10 jährige Geschichte auf. Die detaillierte Ausführung war bereits von weitem sichtbar und animierte zum Blättern in diesem Riesenbuch.

Und so schlöhn mir das Buech also uf

Und uf dr erste Site stoht druf:

E neus Kapitel wird in Allschwil gschriebe,

d'Red isch vonere Krone und irgendwelche Privilegierte...



2021 FASNACHTART

Herregässler

Mir balkoniere

Sie haben an der Schönenbuchstrasse auf Ihren Balkon wunderschöne Fasnachtsfiguren zum Bestaunen und Fotografieren hingestellt. Sie machten dieses Jahr Fasnacht auf dem Balkon.

*Bald isch au klar gsi dases im 2021 kai Fasnacht git
Uusekristalisiert het sich bald: e Fasnachts-Art, das wär dr
Hit, Au e Blaggedde isch uusekoo*

S Sujet: Zämme hebe, Zämme stoo.

*Mir Herregässler erwarte euch vom Balkon oobenaabe
So könne mir enand coronakonform ertrage*

Wie, was wo seen dir denn vor Ort

S wird fasnächtlich, do gämmer euch unser Wort.



2021 FASNACHTART

WVC-Schpiil

fertig lustig

Ihr Kunstwerk vor der alten Dorfschmitte war ein Rückblick und ein Fasnachts-Fundus.

Die Wände waren mit Helgen der Clique geschmückt. Larven, Kostüme und ein Baum voller Ráppli zeigten, wie es hätte sein können. Via QR-Code erfuhren die Besucher den Rückblick in Bildern und Tönen. Ein sehr gut gelungenes Video.

Skandalöös! Hesch s gseh,

dä Waggis ohni Massge het e blutti Naase!

Sorry, är befindet sich in dr Fasnachts-Trötzel-Phase

Au mir sinn am Trötzle und am blööd Fötzle,

Fertig Luschtig! Corona, du bisch zum Chötzle



2021 FASNACHTART

Als weitere Installationen fanden sich entlang der gesamten Umzugsroute immer wieder Schilder des WVC-Schpiil auf denen zu sehen war, was, wenn, wo gewesen wäre, wenn....



2021 FASNACHTART

Sprysse Bangg

e Schnitzelbangg

Vor dem Rössli stellte der Bangg, sein "Bänkli" auf. In Selbstbedienung konnte man sich seines Zeedels bedienen, auf dem, beziehend auf den Ort beim Restaurant Rössli, zu lesen war:

Vom Rössli e Schnitzel, zimlig schlangg, derzue e Bangg und scho hesch e Schnitzelbangg



2021 FASNACHTART

Die Namälosä

20 Joor die Namälosä

Mit einer riesigen vierstöckigen Torte begingen die Namälosä ihr 20 jähriges Jubiläum. Natürlich nicht wie erhofft, trotzdem sehr feierlich! In ihrem Zeedel gaben sie uns einen wunderbaren Rückblick auf ihre fasnächtlichen Leistungen, aber auch etwas Melancholie auf frühere und aus ihrer Sicht bessere Zeiten, die hoffentlich wieder kommen mögen!

*So wie domols, wird's in Schwellheim nümme wärde,
das isch uns klar, bi all däm Wäggsel uff däre Ärde.
Mir dien eifach hoffe, dass mir's denn no dörfe erläbe,
dass me dr Fasnachts-Geischt wieder meh duet läbe.
Dass me stinggend und voll Drägg vom Waagebaue,
sich diräggt vom Bauplatz wieder in e Beiz cha traue,
dört anderi Fasnächtler trifft und zwar e bunte huffe,
zum zämme singe, lache, ässe und au no eine suffe.
Oder dass me am Mäntig und Tsischtig am Beschte,
wieder in unserem Dorf bis tief in d'Nacht cha feschte*



2021 FASNACHTART

68er Chepf

Automat de le Carnaval

mit viel Mühe und Fantasie wurde ein Sujet daraus, Sie machten alle mit einer simplen Anleitung darauf Aufmerksam wie wichtig es ist die Hände sauber und desinfizierend zu waschen. Und als Ueberraschung gabs auf Knopfdruck eine gehörige Portion Spreuer-Dusche.

1. Händ wäsche!
2. Knopf drücken (Obacht Spreuer kunnt)!
3. Fasnachtsfeeling gniesse!



2021 FASNACHTART

Spaarhäfeli

abgesagt

Wir sahen einen Fasnächtler, der an der Fassade des alten Polizeiposten kletterte. Dies liess viele Interpretationen zu! Aus dem Zeedel wurde dann klar, dass s'Spaarhäfeli über all die abgesagten Veranstaltungen traurig war, insbesondere über die abgesagte Fasnacht! Da half nur noch der Weg zurück ins Bett!

*I glaub, d'r Stämpelbrueder vo friener do,
hänn si jetzt in d' Gmeini gnoh.
Dört seit är fröhlich, ohni Muff:
«Haue mer halt e Stämpel druff»
Und denn – zum 2. Mol, o jeh,
kasch dini Fründ im Jägi nümme gseh.
Au d' Fasnacht, me ka si kum erwarte,
dörf nit wie gwohnt im Dorf jetzt Starte.
Kei Fүүr, kei Umzug, keini Gugge,
au d' Bänkler griege nütt me z'Schlugge.*



2021 FASNACHTART

Quellemer

S'Storchenäscht isch nümme do, dr Plumpiturm brennt liechterloh!

Auch viele Spaziergänger die nicht an die FasnachtArt wollten, konnten auf dem Weg Richtung Plumpi bei der Mühle einen grossen Turm bestaunen! Dieser konnte beinahe als Ersatz für den abgebrannten Plumpiturm durchgehen! Die Quellemer hatten damit jedoch nicht nur diesen Verlust ausgespielt, sondern auch das fehlende Storchennest auf der renovierten Dorfkirche!

Die renovierte Kirche ist eine Pracht, wenn sie absolut vollbracht.

'S Wichtigscht, wo dört no duet fähle, duet uns und alli Störch fescht quäle.

'S Storchennest isch nümme dört, wo 's sit Johre aaneghört.

Wenn 's dört uf em Dach nümme sotti klabbere, fohrt 's glii bi unserem Buschinoschub afoh habbere.



2021 FASNACHTART

Dorfrunzlä

s isch kompliziert

Eine riesige Gondel wurde gebaut! Darin wurden vier Kunst-Installationen gezeigt, die jeweils verschiedene Themen aus Allschwil ansprachen, wie die fehlende Schlussabrechnung des Schulhauses und das Baustellen-Wirrwarr.

Der erste Vers des Zeedels verriet dies auch gleich:

S'isch kompliziert

Drum hän mir do ä Gondlä platziärt!

Und hoffä, dass au öbber durä spaziärt!

Diä Gondlä do duät nid wirgglich schwäbä

Aber me cha e bizteli FasnachtArt erläbä!



2021 FASNACHTART

Dorfplatzfäger

*2020, gsi ischs numme Drägg, drum wüschts dr
Dorfplatzfäger jetzt ewägg*

Ihr Kunstobjekt war ein Waggis mit Mülleimer gefüllt mit dem Drägg vom letzten Jahr. Auf einem Podest aufgemotzt als Strasse mit Gulli. Der QR-Code verwies auf ihr Fasnachtsvideo.

*Dä ganzi Seich wo uns immerno frustriert
Wird mit Schwung ind Tonne transportiert.*

*Au überall dehei wird useputzt und ussortiert,
s'isch scho fast e Stress*

Plötzlich will jede ufd SRS.



2021 FASNACHTART

Chruutagger-Clique

Allschwiler ART Fasnacht 21

Die Skulptur der Chruutagger-Clique war eine Art von Holzkäfig auf einem Leiterwagen ausgeschmückt mit Helgen und Larven. Ihr Herz hat geblutet weil die Fasnacht nicht stattfand.

E Fasnacht-s ART das isch dr Hit

Söll Muet mache in däre schwere Zyt

Drum stelle mir he nuntefahne

E Kustwärk do im Dorfkärn ane



2021 FASNACHTART

Suurchtstamper

Lieber ai mool ooni, derfür näggscht Joor mit em Omi
Ein Waggiswagen - halt nicht fahrend sondern fix platziert
so präsentierten sich die Suurchrutstamper. Ein
liegender Waggis ruhte sich darauf gemütlich aus und
dazu meinten der eben: Lieber ai mool ohni, derfür
näggscht Joor mit em Omi.



2021 FASNACHTART

Funke Schlyffer

Dr Ufstand vom Häuptling Morath

Auch die Funke Schlyffer waren im Wegmattenpark anzutreffen, mit Ihrem schönen bemalten Wigwam! Auf einem Schild stand zu lesen:

Dr Häuptling Moorat het dä Ufstand provoziert Und isch do dra denn fascht krepirt

Die gegnerische Blauröck würde vome Nüssli agfiert.

Und sie hett e riisigi Armee mobilisiert.

Mit iirne Fründe fiert si die Bürgerliche Allianz

Und vernichtet so dä Indianertanz.



Nimmersatte

Mir löön uns nid hängge

Um dies auch fasnächtlich rüberzubringen, hängten sie eine farbige, gefräßige überdimensionierte, nimmersatte Raupe auf einem Baum im Wegmattenpark auf.



2021 FASNACHTART

Cosanostra-Rugger

Gmeinsam einsam oder Fasnacht vo dehei aber nid elei
Sie hatten im Gemeindepark Wegmatten ein gelungenes Kunstwerk gebaut mit vielen verschiedenen Larven, alle gesammelt in den vergangenen Jahren als die Fasnacht noch stattfand. Ein QR-Code führte einem zu drei Musikstücken welche zuvor Coronakonform aufgezeichnet worden waren.

Es git kei Fasnacht in Schweillheim -
das isch jetzt halt eso
das macht uns drurig
mir dörfe nüme zämmä cho
Damit uns d Fasnachtsdepression
nit duet erschlo
hän mir uns alli zämmä gno
Mit Maske hämmer gspilt dehei
jede für sich und ganz elei.....



2021 FASNACHTART

Lindebaum Pirate

Adieu Plumpi-Turm

Ein ganz toller und aufwändiger Nachbau des abgebrannten Plumpi Turms. Als Special-Effekt liess es sich die Clique am Sonntag auch nicht nehmen, den Turm sogar zünftig in Rauch zu hüllen (nein, sie haben ihn nicht angezündet, das war High-Tech mit einer Nebelmaschine)



2021 FASNACHTART

Gwäggibinggis

#AltiTante#Waagis#mitenandgo #zämestoo#FasnachtsArt
#Errinnerigsfoti

Haben mit Ihrer Tante und Waggis auf einer Fotowand die
Leute dazu animiert zum Foto machen, einmal eine alte
Tante zu sein oder ein Foto mit Waggis.



2021 FASNACHTART

Schwellemer Pönggis

*Adiöö Paradiis, Bachgrabe rescht in piis
Sie hatten den Standplatz bei der röm. Kath. Kirche
St.Peter und Paul, und sie machten mit Ihrer herzigen und
detailreichen Skulptur auf sehr kreative Art klar was für ein
Chaos beim Bachgraben mit dem neuen Kreisel herrscht.*

*Plötzlich kunnt däne Deppe e schlaui Idee
wo mir Pönggis dr Sinn drhinter nid könne seh:
«Dauntaun-Allschwil» söll do jetzt entschtoo
mit Hochhüüser und ere Skeilein wie in Tokio!
Zähtausigi vo Arbetsplätz wärde gschaffe
drby dien doch alli vo dehei uss in Bildschirm gaffe.
Aber au ohni Houm Offis isch das e Seich, wirdsch gseh
schtundelang im Shtau schtoh kasch denn, ojemine!
Uss griene Wiise wärde graui Wänd
nur d Pharmabroonsche ribt sich d Händ.
Dä Gegesatz wänn mir dorum illuschtriere*



2021 FASNACHTART

Central Clique Allschwil *50 Joor Volldampf*

Vor der römisch katholischen Kirche installierte die CCA ein Gartenhagstück mit Piraten-Dekoration. 50 Joor Volldampf! mit einem Stück CCA Piratäbar wurde hier zu einem kleinen Teil präsentiert.



2021 FASNACHTART

Pinot Trois

Uns blibt jo no dr Wyy, chumm, schängg yy!
Absolut treffend für den Namen der Gruppe stellten die Pinot Trois eine überdimensionierte Weinflasche auf.
Na denn - Proscht zämme



2021 FASNACHTART

Düpflichysser-Clique

Allschwil brennt

Bei der evangelisch reformierten Kirche machten die Düpflichysser mit Ihrer Installation des brennenden Allschwilerwappens auf die verschiedenen vorgefallenen Brandfälle im Dorf aufmerksam.



2021 FASNACHTART

Mühlibach Stenzer

Mir dreie am Rad

Bei der Theresienkirche stellte die Clique ein grosses gewaltiges Mühlrad auf.

Am Rad drehen konnte mittels einer Kurbel dann auch jeder der dies wollte.

Nai s isch desolaat, Mir Stenzer draie voll am Rad

S git käini Fescht me, kaini Probe

Alls was Fröid macht, isch verschobe.

Aber für die Zukunft bleibt die Clique doch optimistisch.

So konnte man auf dem Rad dann auch lesen:

So, gnueg gjommeret - sigs wies well

Am Horizont wird's langsam hell

S Bescht isch mir draie s Rad jetzt vor

Und gniesse d Vorfröid ufs nägschte Joor.



2021 FASNACHTART

Lindeplatz Waggis

Kei neue Lindeplatz

Die Lindenplatz Waggis spielten das abgelehnte Neugestaltungsprojekt für den Lindenplatz gekonnt aus. Mit einem Grab und 2 Bauarbeitern auf einem Bänkli. Mit der Gummistiefel-Ablage und dem mit Spritzkannen dekorierten Baum machten sie auch noch auf das Baumgiessprojekt für den Lindenplatz aufmerksam. Via QR Code sangen die Lindeplatz Waggis ihr Lied.

De Lindeplatz wird stärke

zwüsche Fronte gheit

De Lindeplatz wird stärke

das tuet uns schrecklich leid

er wo so schön wär worde, ä Perle im Quartier

De Lindeplatz wird stärke, erwarte mir.



2021 FASNACHTART

WVC

Mir warte uf d'Rägeboge-Schlussabrächnig

Die WVC warteten immer noch auf die Rägeboge-Schlussabrächnig. Ihr Kunstwerk erinnert stark an das Gartenhof Schulhaus mit seinen Röhren, welche nicht in den versprochenen Regenbogenfarben gehalten sind. Wunderschön das Werk mit seinen schiefhängenden Rollläden und dem Regenbogen. Sie machten mit dem Kunstwerk auf die Missstände und vor allem auf die fehlende Schlussrechnung aufmerksam.

Baumängel

*Sagehafte Lärm, Steinige Pausehof,
Kaputtigi Sunnestoore, Dräggigi Beostääge,
Kei Beschattig vo dä Schuelzimmer Fänschter,
Chrummi Türzarge, Miggrigi Kunscht am Bau,
Biirebitzeli Farbe, chuum Pflanze und
Unghüüri Hitz in dr Durnhalle
Total Choschte 70 Mio.*

Nur bis hüt, das macht dä Auge wee

Hesch vo däm Räägebooge no gar nüt gsee

Au d'Schlussabrächnig, mir sin schoggigt

Isch bis jetz noni offiziell präsentiert



2021 FASNACHTART

Schwellä Hüpfer

Schnitzelbangg

Keine Schnitzelbänke? Doch! Vor dem Jägerstübli konnte man den Schwellä Hüpfer zuschauen, wie sie im Gondeli eine Bier-Pause eingelegt hatten und per QR-Code ihre aktuellen Verse hören! Es war eine grosse Überraschung an der FasnachtArt ein Comeback von ihnen geniessen zu dürfen!



hier geht es zu den Versen



2021 FASNACHTART

Beärdigung

Auch die Fasnachtsbeerdigung fand dieses Jahr nicht statt. Wobei - so ganz stimmt das nicht . Ein Click auf folgenden Link zeigt Dir warum

[\(3\) Fasnachtsbeärdigung 2021 Schwellheim - YouTube](#)

Und der Pilger Schaggi sinniert auch in diesem Jahr:

Liebi Frau Fasnacht uss Schwellheim City
i bi wider bi dir, i stand in dr Mitti
ich, dr Pilger Schaggi, bi zrug mit Chutte und Stab
e Drääne lauft mr über d Bagge, i stand a dim Grab

D Fasnacht 2021 hän si gopferet, umbrocht, verbotte
Frau Fasnacht, blybb uff em Eschtrich bi de Motte
muesch di nid uuseputze, nid uffschtö, nid verwache
aber e Lääbe ooni di, Frau Fasnacht, das kasch nid mache

I stand do a dim Grab und e Drääne gheit dri
au d Hüülwyber flenne, s mues so sii
do hebi dr Chopf, denn e Sunnestraal bländet
e Silberstreife am Horizont, i hoff, dass es ändet

Do paggt mi e Wuet im Ranze
i will gopfer**** go danze
mach mi nid nass, i will uff d Gass
mit Fründe fiire, e grosse Spass
Virus, i ha fir di numme Hohn und Hass
Nei, i beruhig mi nid, jetzt mach ich di nass!

Frau Fasnacht, chumm uuse uss dr Gruft
hilf mr gäge dä chinesischi virali Schuft
denn Corona isch fir mi – i blybb drbi
e Bier uss Mexiko, so mues es sii

2021 FASNACHTART

Jetzt ghöri d Stenzer schränze um en Egge
au d Fliegedätscher dien sich nid vrschtegge
d Gässli wärde suuber gschlyffe
s Schpiil ruesst d Drummle und het au piffe
d Rugger dräffe sich vor iirer Bar
au d La Ola Bar isch do, alles klar
Sparhäfeli, Rue du Boeuf und die Namälosä
logo, alli schtiige si in d Hoose
d Central Clique leggt ein aane
und erscht d Schärbe Clique – nunde Faane
zmits im Fasnachtsgwiel
findsch d Im Briel
d Chruttagger glänze mit em Waage
die Privilegierte mit iirem Betraage
d Dorfrunzlä sitze wieder mol im Chnoche
au d 68er Chepf bliibe nid droche
d Gränzwaggis, mit Fraue und Goofe
d WVC in dr Remise am schwoofe
d Holzhacker, vierezwanzig Schtund uff dr Pischte
au d Herregässler hani uff dr Lischte
de Dorflüüs iire Zeedel het e spitzi Fäädere
e paar Wyyber dien ungschtöört schnäädere
d Uschi vor em Jägi ooni Not
linst in d Sunne und raucht e Schloot
d Schwellehüpfer singe uss voller Bruscht
au d Tagessau het wider mol Luscht
morn hesch e Kater und doch kai Fruscht
au dr Mischthäfer dichtet nid umesuscht
Zoobe schränze d Gugge duss und dinn
d Chinderfasnacht isch e riise Gwinn
sogar d Fabrigg het besetzt Plätz
dr Hinderscht und dr Letscht chunnt in d Sätz
isch am Zyschtig dr Dorfplatz grammlet voll

2021 FASNACHTART

sind d Laddärne bsunders toll
und wenn au die letschte Vrwäägene
und in Mittwoch-Morge-Gläägene
sich vom Sunnestraal no löön wegge
mues sich au d Beärdigung nid vrstegge
und duet sogar dr Bääse richtig jääse
dr Schaggi predige und nid lääse
und d Frau Fasnacht brenne duet
sag ich zum Schluss: So isch es guet

Ei Umzug chamen absage,
emol kei Fүүr no knapp vertrage
e Morgestreich lo schlyffe
emol nid zur Drummle gryffe
Virus, du bisch en üüble Seggel
Schwellheim isch schtärger, gopferdegger

Uff das aabe, Frau Fasnacht, s ischs scho gsi
e Schlugg fir mi, eine fir di
e Hampfle Konfetti mit uff e Wäg
bis im Hornig 22, blybb mr zwäg

Di Pilger Schaggi

2021 FASNACHTART



Für d ART-Fasnacht 2021 ä bsunders Danggschöön

Wenns am Sunntig fünfi schloot und niene im Dorf s Liecht usgoot,
denn finde mir das bireweich, sin truurig, s git kei Morgestreich.
Am Nomidaag hets kei Wölggli am Himmel, in dä Stroosse gseesch kei
Massgegwimmel,
d Clique, d Gugge und au d Wääge bliibe dehei und hogge uf dä Stääge.
S Fasnachtshäärz cha das gar nit verstoo Corona het dä Schwellemer d Fasnacht
gnoo.

Zum Glügg gits, das isch fänomenal, die erschi Allschwiler Revue Total,
das Äxtrablatt vom 5. Hoornig isch persee ä tolli Sach, ä Glanzidee.

In däm Joor duet uns bsunders fasziniere, d Hüüser und d Gemeinirabatte duet mä
dekoriere

und ab em Schmutzige Donnschtig gosch mit dim Daggel bis zum Lindeplatz uf dr
Fasnachtsgwaggel.

Au am Obe spoot, was wotsch no mee chasch die fasnächtliche Installazioone gsee.
Die apaartigi FasnachtART zeigt in voller Pracht, d Frau Fasnacht isch trotz Corona an
dr Macht.

Au d Dorfbänggler löön sichs nit lo nää, si hän per QR Code d Väärs zum Beschte gää
und zum Abschluss, mit Hüüle und Schwung, schtuunsch über ä Video vo dr
Fasnachtsbeäärdigung.

Dä Fasnachtsgeischt het uns bsunders gfalle, häärzlich Danggschöön seit d WVC drum
alle,

fürs Mitmache und s Beschträäbe in däm bsundere Joor d Fasnacht z belääbe.

Au d Hilff vom Gmeinroot und dr Verwaltig sin wie immer ganz gewaltig,
drum gilt an dr ART-Fasnacht, äs isch ä soo, s Motto „Zämme heebe – zämme stoo“.

Jetz isch d ART-Fasnacht verbi,

doch dr Wegger lütet gli, bis zum näggschte Joor im Hoornig,

denn isch d Wält wider in Oornig.

d Chrutstorze, Wildviertel-Clique Allschwil

Diesen Worten ist nichts mehr hinzuzufügen und die Jury schliesst sich Ihnen zu 100%
an

Uschi Bächtold, Ella Gürtler, Cécile Mussler, Urs Mussler, René Quinche, Urban Wittlin.